




ԸՆՏՐՈՒԹՅՈՒՆ ԵՎ ԳԱՀԱԿԱԼՈՒԹՅՈՒՆ ԵՐՈՒՍԱԴՆԵՄԻ ՀԱՅՈՑ ԱՄԵՆԱՊԱՏԻՎ Տ. ԵՂԻՇԵ ՆՈՐԸՆՏԻՐ ՍՐԲԱԶԱՆ ՊԱՏՐԻԱՐԹԻ

Մոտավորապես շորս տարի Մայր Աթոռը և անձամբ Վեհափառ Հայրապետը իրական և խորին վիշտ էին ապրում Երուսաղեմի հայոց Սրբոց Հակոբյանց միաբանության մեջ, Հորդանանի հայ համայնքի ծոցում, Հայոց Պատրիարքության շուրջ ստեղծված անբաղձալի կացության հետևանքով, որը միաժամանակ իր տխուր անդրադարձումն էր ունենում Սփյուռքի մեր աղգային-եկեղեցական կյանքի վրա:

Վեհափառ Հայրապետը երբ մայիսին խաղաղության առաքելությամբ գտնվում էր ԱՄՆ-ում, ամրապնդելու համար մեր սուրբ հավատի և Հայաստանյայց եկեղեցու միությունն ու հայ կյանքի ներքին խաղաղությունը, առաջնորդված միշտ բարի մտադրություններով և ներշնչված մեր Ս. Եկեղեցու շինության և միասնականության ոգով, Նյու-Յորքից, Իր 7 հունիսի հետևյալ հեռագրով, լավ համարելով գերաշնորհ Տ. Եղիշե հպիսկոպոսի նկատմամբ եղած կարգադրությունը, նրան վերադարձնում էր փիլոնը և արքության պատիվը:

«Առաջնորդված մեր եկեղեցվո և մեր նվիրապետական Արտոններու միասնականության և խաղաղության ոգով, ընդառաջելով Ս. Արթուրի միաբանության մեծամասնության խնդրանքին, եկատի առեկելով Մեր լիազոր Սերովքե եպիսկոպոս Մանուկյանի 4 հունիս թվակիր գեկուցումը և Ձեր վերջին երկու Մեզ ուղղյալ նամակներու բովանդակությունը, Մենք այսու կհայտենեմք Ձեզ, թե բավ կհամարենք 1957 ապրիլի վեհիով Ձեր կախալայումը, վերադարձնելով Ձեզ նաև պը-

նության պատիվը, համոզված ըլլալով, թե այսուհետև Ձեր իմաստուն ու շրջահայաց գործունեությամբ պիտի ծառայեմք Ձեր Ս. Արթուրին և մեր եկեղեցվո միության գերագույն շահերուն: Կմաղթենք Ձեզ արեւատություն և Ձեր սուրբ գործոց հաջողություն»:

Հունիս 9 թվակիր հեռագրով գերաշնորհ Տ. Եղիշե արքեպիսկոպոսը իր որդիական երախտագիտությունն էր հայտնում Վեհափառ Հայրապետին՝ Նրա բարձր վստահության համար:

«Մեծ ուրախությամբ և երախտագիտական զգացումներով ստացա Ձերդ Ս. Օծության հեռագիրը՝ իմ փիլոնագրկման վերջացվիլը հաղորդող: Կներկայացնեմ խորին շնորհակալություններս Ձերդ Վեհափառության, մաղթելով Ձեզի երկար և երջանիկ կյանք, և հաստատություն Մայր Աթոռո»:

Հունիսի 7-ին, Սրբոց Հակոբյանց միաբանության ընդհանուր ժողովը նիստ գումարելով Պատրիարքարանի դահլիճում, կազմում է պատրիարքական ընտրելիների հնգանուն ցանկ, որի վրայից հաջորդ օրը, հունիսի 8-ին, գաղտնի քվեարկությամբ և 23 ներկա ժողովականների 18 քվեների բացարձակ մեծամասնությամբ պատրիարք է ընտրվում գերաշնորհ Տ. Եղիշե արքեպիսկոպոս Տերտերյանը:

Պատրիարքական ընտրության արդյունքը հեռագրով հաղորդվում է Ամենայն Հայոց Հայրապետին:

Նորին Ս. Օծությունը Բուենոս-Այրեսից ուղարկում է նորընտիր ամենապատիվ Սրբ-

բաղան Պատրիարք Հոր հետևյալ շնորհավորական հեռագիրը.

«Կշնորհավորենք Ձեզ Ձեր Երուսաղեմի Պատրիարք ընտրվելուն առթիվ: Մեր խնդակ-ցությունները Ձեր ուրախ գահակալության, ինչպես նաև Սրբոց Հակոբյանց միաբանությանը: Սրտանց կմաղթենք, որ Ս. Հակոբա-

նապատիվ Տ. Եղիշե Պատրիարքի ընտրությանը շնորհավորում է նաև Գերագույն Հոգևոր Խորհրդի ատենապետ գերաշնորհ Տ. Սահակ արքեպիսկոպոս Տեր-Հովհաննիսյանը հետևյալ հեռագրով.

«Գերագույն Հոգևոր Խորհուրդը շնորհավորում է Ձեր ընտրությունն ու գահակալու-



ԱՄԵՆԱՊԱՏԻՎ Տ. ԵԴԻՇԵ ԱՐԺԵՊԻՍԿՈՊՈՍ ՏԵՐՏԵՐՅԱՆ,
ՊԱՏՐԻԱՐԺ ԵՐՈՒՍԱԼԵՄԻ ՀԱՅՈՑ

Արքոր տեական ըլլա և Ձեր սուրբ առաքելությունը հաջող խաղաղության մեջ և մեր Ս. եկեղեցվո միասնականությունը Ս. էջմիածնի օրհնությամբ:

Հայկազուն Սրբազանը Մեզ կենեկայացնեալ առաքելության ընթացքին:

Հանուն Գերագույն Հոգևոր Խորհրդի, ամե-

թյունը Ս. Երուսաղեմի Հայոց Պատրիարքական Աթոռի վրա և մաղթում է Ձեզ բեղմնավոր ու խաղաղ գործունեություն, հօգուտ Հայ եկեղեցու, Ս. Աթոռի միաբանության և հայ ժողովրդի»:

Օգոստոսի 10-ին, Հորդանանի բարեխնամ կառավարությունը վավերացնում է ամենա-

պատիվ Տ. Եղիշե արքեպիսկոպոսի պատրիարքական ընտրությունը:

Ամենապատիվ Տ. Եղիշե սրբազան արքեպիսկոպոսի գահակալության հանդեսը կատարվում է Երուսաղեմում, օգոստոսի 21-ին, կիրակի օրը:

Երեկոյան ժամը 5-ին, Պատրիարք Սրբազան Հայրը Պատրիարքարանից «Հրաշափառ»-ով առաջնորդվում է Մայր Տաճար: Դասի երկու կողմերում տեղ են գրավել պետական պաշտոնական անձնավորություններ և հարանվանությունների ներկայացուցիչներ, այլ հրավիրյալներ և խումբ ժողովուրդ:

Սրբազան Պատրիարք Հայրը առաջնորդվում է Ավագ Սեղան: Եկեղեցական արարողության ավարտին բեմից կարդացվում են արքայական հրովարտակի նախ արաբերեն բնագիրը, ապա նույնի հայերեն և անգլերեն թարգմանությունները:

Գերաշնորհ Տ. Հայրիկ եպիսկոպոսի հանուն Սրբոց Հակոբյանց միաբանության արտասանած ողջույնի սրտագին խոսքերից հետո, նորընտիր պատրիարքը, ծնրադիր Ավագ Սեղանի առաջ, գլխաբաց, ծանր և հանդիսավոր արտասանում է իր ուխտը:

«Նոստանամ և ուխտեմ առաջի Աստուծոյ և առաջի Սրբոյ Սեղանոյ»:

Խղճի մոտ և հաւատարմութեամբ հսկել գործադրութեան կարգաց, կանոնաց և աւանդութեանց միաբանութեան Առաքելական Աթոռոյս Ս. Յակոբեանց:

Ուխտեմ լինել հաւատարիմ Ազգիս և Հայրապետական վերին իշխանութեան Ամենայն Հայոց, կարգաց և կանոնաց Հայաստանեայց Սուրբ Եկեղեցոյ:

Նաև ուխտեմ կալ մնալ հաւատարիմ Նորին Վեհափառութեան Յորդանանու Հաշիմական Թագատրին և իմաստուն և արդարաւէր Կառավարութեան Նորին:

Ընկալցի զուխտս և զգործս ձեռաց մերոց ուղիղ արասցէ ի մեզ Տէր, և զգործս ձեռաց մերոց յաջողեցցէ մեզ: Ամէն»:

Ուխտի կատարումից հետո, բեմի վրա գտնվող եպիսկոպոսական զգեստավորումով վեց եպիսկոպոսներ, իրենց ձեռքերը դնում են նորընծա Սրբազան Պատրիարք Հոր գրեթե և «Պահպանիչ» արտասանում:

Ապա, հանուն Ամենայն Հայոց Հայրապետի, առաջինը նորընտիր Պատրիարքին ողջունում է և շնորհավորում Ս. Էջմիածնի Հոգևոր Ընթերցարանի վերատեսուչ գերաշնորհ Տ. Հայկազունի եպիսկոպոս Աբրահամյանը, որը ուխտավորաբար գտնվում էր Երուսաղեմում, իր միաբանակից եղբայրների մոտ:

«Ամենապատիվ Տ. Եղիշե Սրբազան Արքեպիսկոպոս Տերտերյան, արժանընտիր Պատրիարք Առաքելական Ս. Աթոռոյս, բարեխիտ և Ամենապատիվ Սրբազան Հայր:

Հանուն Նորին Ս. Օծուխուն Տ. Տ. Վազգեն Ա Սրբազնագույն Կաթողիկոսի Ամենայն Հայոց և հանուն Գերագույն Հոգևոր Խորհրդո Սրբո Էջմիածնի, լիազորված եմ այս հանդիսավոր պահուն հաղորդել Ձերդ Ամենապատվությանը Վեհափառ Հայրապետի սրտագին մաղթանքները և շնորհավորությունները Ձեր գահակալության այս բարեբաստիկ առիթով:

Ս. Էջմիածնի սիրո ձայնն է այս պահուս, որ կհնչի նվիրական այս սրբազան կամարներուն տակ: Ձայնը օրհնության, ձայնը ուրախության և ձայնը ցնծության: «Առանց Էջմիածնի չկա հայ ժողովուրդ, և առանց հայ ժողովրդի չկա Էջմիածին»: Ս. Էջմիածնի սյուները հանգում են ոչ միայն Արարատյան դաշտի հողին մեջ, այլ անոնք խաբսխված են ամեն մեկ հայի սրտի և հոգու մեջ», — ըսած է մեր անմահ բանաստեղծներեն Ավետիք Իսահակյանը:

Դարեր, դարեր շարունակ, Լուսավորչի և Ս. Գլխադրի կանթններուն մաքուր լույսը իրարու հետ զոդված, մեկ կամար կազմած և լուսավորած են հայ հավատացյալ ժողովուրդի սիրտն ու հոգին ի սփյուռն աշխարհի: Դարեր առաջ Աստվածորդին իջավ այս սրբազան քաղաքին վրա, Աստվածորդին իջավ նաև Այրարատյան դաշտը և այնտեղ կերտեց հայության Սրբություն Սրբոցը՝ Ս. Էջմիածինը:

Ընթերցողության լույսին տակ, երբ այսօր իր բովանդակ շքեղանքով զարդարված է Առաքելական Ս. Աթոռը և ամենուն սիրտին մեջ խիստ ու ծիծաղ կա, ան կտարածվի, կամծնա և կհասնի մինչև Ս. Էջմիածնի կամարներուն տակ և կուրախացնե տասնամեկ տարիներին ի վեր տրտմյալ հոգիները: Հոգևոր այս տանը զավակներուն հետ ևս առավել ուրախ է նաև Ազգիս Վեհափառ Հայրապետը Իր բոլոր զավակներով միասին, և ինչու՞ չէ՝ նաև ամբողջ Հայաստանյայց Առաքելական Եկեղեցին:

Ձեր հավատարմության նվիրական ուխտը, զոր ծնկադրե և հուզումով կատարեցիք այս հանդիսավոր պահուս հանդեպ Ս. Էջմիածնի և Ամենայն Հայոց Հայրապետին, խորապես կհուզե և կուրախացնե մեր բոլորի հոգիները:

Ամենապատիվ Սրբազան Հայր, թող հնչեն զանգակները մեր նվիրական սրբավայրերուն և իրենց ձայնին թող միացնեն մեր արցունքն ու ուրախությունը, ի մխիթարություն մեր տառապած հոգիներուն:

Ահա այս զգացումներով, անգամ մը ևս Նորին Ս. Օծուխուն Վեհափառ Հայրապետի անունով կշնորհավորենք Ձեզ և կմաղթենք, որ Աստված Իր արևի բարի և տաք ճառագայթները առաջին անգամ ցողե այս սրբա-

վայրի՝ գմբեթին վրա և Ձերդ Ամենապատվության շնորհն խաղաղ և երջանիկ օրեր, որպեսզի Դուք առաջնորդեք Ձեզ հանձնված հոտը՝ «առ ջուրս հանգստեան»:

Ապա ամենապատիվ Տ. Եղիշե Սրբազան Պատրիարքը արտասանում է իր ուխտի գեղեցիկ քարոզը:

Քարոզից հետո Սրբազան Պատրիարքը առաջնորդվում և ապա հանդիսավորապես բարձրանում է առաջին անգամ Տյառնեղբայր Հակոբոս առաքյալի Աթոռի պատվանդանի վրա, որպես լրումը և պսակը գահակալության հանդեսին և ընդունում շնորհավորությունները հոգևորական դասի, եկեղեցական և աշխարհական պաշտոնական անձնավորություններից:

Ամենապատիվ Տ. Եղիշե Սրբազան Պատրիարքը ծնվել է 1910 թվականին, Վասպուրական աշխարհի Ուտունյաց գավառի Կայնամիրան գյուղում, գյուղապետի ընտանիքում:

1915 թվականին իր ծնողների և համաբաղաբանների հետ գաղթում է Պարսկաստան, ապա վերադառնում Վան և նույն տարին ընդմիջող հեղաշրջում իր ծննդավայրից, տարագրվելով Միջագետքի Բագուբա բաղաբան: Ապա ընդունվում է Նահր էլ-Օմարի որբանոցը մինչև 1922 թվականը:

Նույն թվականին բազմահազար որբեր Հ. Բ. Ը. Միության նախաձեռնությամբ Միջագետքից փոխադրվեցին Երուսաղեմ՝ Արարատյան որբանոցը: Որբերի հետ է նաև Եղիշե Սրբազան Պատրիարքը, որը 1924 թվականին, Դուրյան Պատրիարքի օրոք, ընդունվում է Երուսաղեմի ժառանգավորաց վարժարանը: Աշակերտում է Եղիշե Դուրյան և Թորգոմ Դուրյան պատրիարքներին, Բաբեհն կաթողիկոս Կյուլեսիրյանին, Ընծայարանի դասընթացը հաջողությամբ, ավարտելով, 1928 թվականին Դուրյան պատրիարքի ձեռքով ձեռնադրվում է սարկավագ, իսկ 1932 թվականին, Թորգոմ Պատրիարքից՝ կուսակրոն քահանա:

1933—1936 թվականներին գավազանակիրը և անձնական քարտուղարն է լինում Թորգոմ պատրիարքի: 1937—1945 թվականներին՝ տեսուչ ժառանգավորաց վարժարանի և Ընծայարանի:

1944 թվականին ընտրվում է լուսարարապետ, իսկ 1949 թվականին, Տ. Կյուրեղ պատրիարքի մահից հետո՝ պատրիարքական տեղապահ:

1951 թվականի հուլիսին Ս. Էջմիածնի Մայր Տաճարում, եպիսկոպոս է ձեռնա-

դրվում, օծակից ունենալով Ամենայն Հայոց Վեհափառ Հայրապետին, Տ. Սուրեն, Տ. Նորայր և Տ. Սահակ ժայրագույն վարդապետներին:

Մինչև 1956 թվականը վանքում համատեղում է նույն պաշտոնները:

1960 թվականի հունիսի 8-ին ընտրվում է Պատրիարք Երուսաղեմի հայոց Առաքելական Աթոռին:

1932—1956 տարիներին Եղիշե սրբազանը, բացի վերահիշյալ պաշտոններից, անդամակցում է նաև վանքի միաբանական և վարչական ժողովներին, ունենում է մանկավարժական բեղուն գործունեություն՝ որպես ուսուցիչ ժառանգավորաց վարժարանի և Թարգմանչաց վարժարանի:

1939—1956 թվականներին եղել է Ս. Աթոռի պաշտոնավթերթ «Սիրոն» ամսագրի խմբագրապետը:

Սրբազան պատրիարքը հեղինակն է նաև բանաստեղծական շորս հատորների՝ «Մագդաղինեն մեղրամոմ», «Փորտակման գիշերներ», «Անծանոթը» և «Ակեղղամա», ինչպես նաև երեք արձակ հատորների՝ «Հայաստանյայց Եկեղեցին երեկ և այսօր», «Նարեկը հայ գրականության մեջ» և «Լեռան վրայեն»:

Նորընտիր Սրբազան Պատրիարք Հայրը զանվում է իր հոգևոր և իմացական ուժերի հասունության շրջանում:

Վստահ ենք, որ Նորին Ամենապատվությունը իր հաստատ արժանիքներով, ի գլուխ Ս. Երուսաղեմի գլխավորյալ միաբանության, իր կարելին ի գործ պիտի դնի լավագույն և բոլորանվեր ծառայելու համար Երուսաղեմի Առաքելական Ս. Աթոռին, որի հիմնական կոչումն է միջազգային Ս. Տեղյաց մեջ հայ ժողովրդի դարավոր իրավունքների պաշտպանությունը, ինչպես նաև անհաճանց սպասավորությունը մեր ժողովրդի հավատի, բարեպաշտության և իմացական լուսավորության, Հայաստանյայց Եկեղեցու սիրո և միության կանոնի տակ:

«Էջմիածին» ամսագրի խմբագրությունը, հանուն Մայր Աթոռի միաբանության և իր բազմահազար ընթերցողների, սրտագին շնորհավորելով ամենապատիվ Տ. Եղիշե սրբազանի ընտրությունն ու գահակալությունը, մաղթում է ազգագույն և եկեղեցաշեն պատրիարքություն՝ հուրախություն Մայր Աթոռի և Վեհափառ Հայրապետի, ի միախառնություն հայ հավատացյալ ժողովրդի և ի պայծառություն Հայաստանյայց Առաքելական Եկեղեցու:

